



VIM LI CAS QHOV NO TSEEM CEEB

Vaj tse nyob tsis ruaj ntseg yog hais txog cov kev cov nyom uas pheej muaj mus ntxiv ntawm txoj kev tsis muaj vaj tse nyob thiab vaj tse nyob ruaj khov. Vaj tse nyob tsis ruaj ntseg yog tau kev nquag tsiv heev, kev tsis muaj cua sov thiab cua txias txaus, nrog rau kev poo rau tshuaj lom tuag thiab cov tshuaj tsis haum cev.

Cov neeg hluas uas muaj vaj tse nyob ruaj ntseg yuav muaj kev ruaj khov dua ntawm lub siab ntsws lub hlwb, lub cev ntaj ntsug, kev mus kawm ntawv, kev kawm tau ntawv, kev koom nrog cov kev kawm tshaj lij ntxiv, thiab khwv tau nyiaj zoo dua hauv lub neej pem suab.

KEV TSHAWB FAWB POM TIAS

Vaj tse nyob tseem ceeb heev rau txoj kev ntsuas ntawm kev noj qab haus huv; muaj pov thawj ntau heev qhia tias kev muaj vaj tse nyob ruaj ntseg muaj feem xyuam rau txoj kev noj qab haus huv thiab kev noj qab nyob zoo.¹ Kev tsis muaj vaj tse nyob zoo yuav muaj feem nquag mus cuag lub tuam tsev kho mob kub ceev rau cov kev txhawj xeeb ntawm lub cev ntaj ntsug thiab lub siab ntsws lub hlwb tib si. Txoj kev muaj vaj tse nyob tsis ruaj ntseg yuav nquag muaj cov kev puas kav mus ntau lub xyoo, puas raug cov me nyuam mus ntev.

Kev tsis muaj vaj tse nyob, txawm yog ib ntus xwb, los yeej puas ntsoog loj heev, thiab muaj kev puas raug cov me nyuam txoj kev xeeb meej. Cov me nyuam uas tau ntsib txoj kev tsis muaj vaj tse nyob yeej muaj cov teeb meem kev puas siab ntsws, puas kev coj yam ntxwv, thiab lub cev ntaj ntsug ntau heev tshaj. Cov hluas uas tau ntsib hom kev puas ntsoog no yuav nquag muaj tsis xav zoo txog tus kheej, uas rais mus muaj ntau dua kev siv tshuaj yeeb dej caw thiab txov tus kheej siav.² Muaj txog li 40% ntawm cov neeg hluas tsis muaj vaj tse nyob yog LGBTQ+, ib qib tsis siab luag uas yuav muaj taus teeb meem loj mus ntxiv.³

Cov kev npaj tsiv ntawm ib lub vaj tse ruaj ntseg mus rau lwm lub twb nyuab vim tias nws cuam tshuam rau tus me nyuam cov kev phooj ywg. Kev tshawb fawb pom tias cov neeg kawm ntawv yuav ntsib teeb meem puas hlwb, kev phooj ywg thiab kev kawm ntawv los ntawm cov kev tsiv tsev. Cov me nyuam uas tsiv tsev yuav ntsib cov teeb meem kev paub zoo txog ib lub tsev kawm ntawv tshiab, ib puag ncig hauv cheeb tsam chaw nyob, cov phooj ywg thiab cov kev ua ub no ruaj. Nyob rau hauv Wisconsin, cov me nyuam lwm xim nqaij daim tawv muaj feem yuav tsiv tsev heev tshaj cov me nyuam tawv dawb.


**KWV YEES LI
 20,000
 TUS NEEG KAWM
 NTAWV TSIS MUAJ
 VAJ TSE NYOB
 HAUV WISCONSIN**

WI DEPT OF PUBLIC INSTRUCTION
 (TUAM TSEV TSWJ KEV QHIA NTAWV
 DAWB RAU PEJ XEEM)

MUAJ DAB TSI TSHWM SIM HAUV WISCONSIN?


Thaum caij nplooj ntoos zeeg hauv 2022, lub Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS) tau txais kev pom zoo los muab kev pab txhawb txog vaj tse nyob rau cov tsev neeg muaj nyiaj tsawg hauv Wisconsin uas tsis muaj vaj tse nyob, uas yog ib lub tswv yim zoo los tiv thaiv txoj kev txov tus kheej siav. Wisconsin yog thawj lub xeev los siv hom txiaj ntsim vaj tse nyob hauv Children's Health Insurance Program (Txoj Kev Pab Pov Hwm Them Nqi Kho Mob) (CHIP), uas yog ib feem ntawm Wisconsin txoj kev pab BadgerCare.

Wisconsin xya lub cheeb koog muaj cov neeg Severe Housing (Tsis Muaj Vaj Tsev Nyob Loj Heev) coob tshaj lub xeev qib nruab nrab (14%). Severe Housing (Tsis Muaj Vaj Tsev Nyob Loj Heev) yog ib txoj kev ntsuas cov tsev neeg uas muaj 1 ntawm 4 qhov teeb meem vaj tse nyob: cov nqi tsev kim heev dhau (nrog rau teeb meem them tsis taus nqi khiab tsev nyob), tsis muaj cov chaw ua noj, tsis muaj cov chaw dej, los sis neeg coob heev dhau. Ob lub cheeb koog, Milwaukee thiab Menominee – puav leej muaj cov pej xeeem BIPOC coob heev – tshaj teb chaws qib nruab nrab (17%).⁴



-txuas mus ntxiv-

WISCONSIN COV QIB MUAS TSEV



Nyob rau hauv Wisconsin, muaj cov kev pab tsis sib luag vim haiv neeg uas puas raug vaj tse nyob - thiab thiaj li raug txoj kev noj qab haus huv - ntawm peb cov me nyuam. Yeej tau nthuav dav txoj kev pab tsis sib luag vim haiv neeg hauv kaum lub xyoo dhau los: neeg dawb muas muaj vaj tse yuav luag coob tshaj peb npaug ntawm cov Neeg Dub muas muaj vaj tse nyob⁵

YAM DAB TSI PAB TAU

Affordable Housing (Vaj Tse Them Taus) thiab kev pab them vaj tse nyob yuav pab tau cov kev zoo dua rau cov me nyuam, mus ib ntus thiab mus ntev tib si. Cov me nyuam uas nyob hauv cov tsev luam muaj cov feem poo raug hlau lead rau lawv cov ntshav tsawg dua, khwv tau nyiaj ntau dua thaum yav laus, thiab muaj feem raug kaw tsawg dua hauv lub neej pem suab.⁶ Tiam sis, tsuas yog ib feem plaub ntawm cov tsev neeg tsm nyog tau kev pab thiaj li tau hom kev pab them vaj tse nyob no xwb.

Tax Credits (Cov Nyiaj Se Xyeej Tseg) xws li qhov Earned Income Tax Credit (Nyiaj Tau Los Ntawm Kev Them Se) (EITC) thiab Child Tax Credit (Nyiaj Pab Se Me Nyuam) (CTC) yuav muab kev pab nyiaj txiaj ruaj ntseg rau cov tsev neeg, uas yuav pab txo tsawg tau cov teeb meem them nuj nqis vaj tse nyob thiab pab kom cov tsev neeg muaj vaj tse nyob ruaj ntseg.⁷ Feem coob ntawm cov tsev neeg Asmeskas yeej tsm nyog tau EITC thiab CTC.

PEB UA TAU DAB TSI

COV TSEV NEEG:

- Yog tias koj lub tsev neeg ntsib kev tsis muaj vaj tse nyob ruaj ntseg, mob siab txhawb koj tus me nyuam txoj kev xav zoo txog nws tus kheej thiab txoj kev sib ncauw.
- Ras paub tias kev tsiv tsev yeej ntxhov siab rau cov niam txiv thiab me nyuam tib si. Tham qhib siab lug txog koj cov kev xav. Nrhiav kev pab txhawb rau tej neeg hauv tsev uas ntsib kev nyuab.
- Mus cuag **cov chaw muaj kev pab** uas yuav pab tau Wisconsin cov tsev neeg nrhiav vaj tse nyob, them nqi hluav taws xob thiab nqi cua sov thiab nrhiav vaj tse kub ceev rau nyob.
- Txais tos tag nrho cov neeg hluas thiab lawv cov tsev neeg uas tsiv los rau hauv koj ib puag ncig zej zog thiab txhob txhwm muab kev sib ncauw.

COV TSEV KAWM NTAWV

- Npaj kom muaj kab lis kev cai coj zoo hauv tsev kawm ntawv kom lub tsev kawm ntawv yeej zoo siab txais tos, xam muaj thiab txhawb txhua cov neeg kawm ntawv. Tshwj xeeb yog tsm muaj kev sib ncauw nrog cov neeg kawm ntawv tshab thiab cov neeg tu xyuas lawv kom tsm muaj cov kev phooj ywg.

- Tshawb kom paub cov chaw muaj kev pab tseem ceeb hauv zej zog, nrog rau lub cheeb tsam tsev kawm ntawv tus neeg pab txog kev tsis muaj vaj tse nyob, kom pab coj cov tsev neeg thaum lawv ntsib teeb meem vaj tse nyob tsis ruaj ntseg.
- Muab cov kev pab txhawb txog kev puas ntsoog, xws li kev pab qhia, kev ua qauv cob, thiab tu xyuas kev puas siab ntsws puas hlwb ntawm cov neeg hluas uas ntsib teeb meem vaj tse nyob tsis ruaj ntseg.

COV NEEG TSM TSA KEV CAI:

- Nthuav cov kev pab xyeej nyiaj se tseg kom loj dua ntxiv xws li EITC thiab CTC.
- Raus tes npaj kom muaj cov vaj tse nyob them taus rau hauv Wisconsin ib lub zej zog twg zus.
- Txhawb cov ntawv muab vaj tse nyob rau cov tsev neeg muaj nyiaj tsawg kom nrhiav tau vaj tse nyog ruaj ntseg.
- Siv cov kev cai uas muab phaj tshab zoo rau kev muas muaj vaj tse nyob ntawm cov tsev neeg BIPOC.
- Nrhiav cov kws tshaj lij txog vaj tse nyob tsis ruaj ntseg kom nkag siab zoo dua ntxiv txog cov kev nyuab thiab cov teeb meem muaj taus.

COV CHIV KEEB:

¹ Rolfe, S., Garnham, L., Godwin, J. et al. Vaj tse nyob tam ib txoj kev ntsuas rau kev noj qab haus huv thiab kev noj qab nyob zoo. BMC Public Health (Pej Xeev Kev Noj Qab Haus Huv) 20, 1138 (2020). <https://doi.org/10.1186/s12889-020-09224-0>

² National Clearinghouse txog Homeless Youth & Families (Neeg Hluas & Cov Tsev Neeg Tsis Muaj Vaj Tse Nyob). Mental Health (Kev Puas Siab Ntsws Puas Hlwb) thiab Youth Homelessness (Neeg Hluas Kev Tsis Muaj Vaj Tse Nyob): Understanding the Overlaps (Kev Nkag Siab Txog Cov Kev Sib Tsum). U.S. Department of Health and Human Services (Teb Chaws Asmeskas Tuam Tsev Tswj Xyuas Kev Noj Qab Haus Huv thiab Cov Kev Pab Pej Xeev). Muab cuag 11/14/22. <https://rhylclearinghouse.acf.hhs.gov/mental-health-and-youth-homelessness-understanding-overlaps-1>

³ Voices of Youth Count (Xam Muaj Neeg Hluas Cov Suab Lus). (Plaub Hlis Ntuj 2018). Plam cov hauv kev: Neeg hluas LGBTQ kev tsis muaj vaj tse nyob hauv Asmeskas teb. Chapin Hall hauv lub Tuam Tsev Kawm Ntawv Qib Siab Chicago. Muab tau los ntawm National Network for Youth (Koom Haum Teb Chaws rau Neeg Hluas) <https://voicesofyouthcount.org/brief/lgbtq-youth-homelessness/>

⁴ County Health Rankings & Roadmaps (Cov Kev Ntsuas Qib & Cov Kev Taug Txoj Kev Noj Qab Haus Huv hauv Cheeb Koog). Cov Teeb Meem Loj Heev Txog Vaj Tse Nyob. University of Wisconsin Population Health Institute (Tuam Tsev Kawm Ntawv Qib Siab hauv Wisconsin Kev Kawm Txog Pej Xeev Kev Noj Qab Haus Huv). Muab tau thaum 11/14/22. <https://www.countyhealthrankings.org/explore-health-rankings/county-health-rankings-model/health-factors/physical-environment/housing-and-transit/severe-housing-problems?year=2022&state=55&tab=1>

⁵ Wisconsin Policy Forum (Rooj Sib Tham Txog Kev Cai). (Peb Hlis Ntuj 2022). Racial Disparities in Homeownership Extend Beyond Milwaukee (Cov Kev Pab Tsis Sib Luag Vim Haiv Neeg hauv Kev Muas Muaj Vaj Tse Nyob Mus Dhau Milwaukee). https://wispolicyforum.org/wp-content/uploads/2022/03/Focus_22_05_Homeownership.pdf

⁶ Urban Institute. (2017, Plaub Hlis Ntuj tim 27). Hauv Txhua Lub Xeev, Federal Rental Assistance Improves Lives (Tsoom Fwv Teb Chaws Nyiaj Pab Khib Tsev Nyob Txhawb Tau Lub Neej) <https://housingmatters.urban.org/articles/every-state-federal-rental-assistance-improves-lives>

⁷ Pilkauskas, N., Michelmore, K. (Cuaj Hli Ntuj 2018). Effect of Income on Housing Instability and Living Arrangements (Kev Cuam Tshuam Txog Nyiaj Txiaj Ntawm Vaj Tse Nyob Tsis Ruaj Ntseg). Pov thaj los ntawm Earned Income Tax Credit (Nyiaj Tau Los Ntawm Kev Them Se). University of Michigan Poverty Solutions (Tuam Tsev Kawm Ntawv Qib Siab hauv Michigan Cov Kev Daws Teeb Meem Pluag). Muab tau los ntawm <https://poverty.umich.edu/faculty-project/does-the-earned-income-tax-credit-reduce-housing-instability/>